鑑

止

水

奫

集

勢變遷 聚訟解經 道 **齋集卷** 阮雲臺師 に当上に青長年二 圖 師 漢時 今測古 則依文 考據班志 凡自吳至 東中 郎已 /傅義 强為之說耳惟圖攷中 同浦壽寂之 會自會 湮塞歴考史傳三 釋馬 志地 號傳吳喜討號使 則徇俗立 德清許宗彦 |國東| 名皆闇 所 自 於 衯

北屬吳錢唐之江兩國界也仲任葢據其時所見會稽那越治山陰吳都今吳餘暨以南屬越錢唐之時自湖州徑達柳浦也論衡書虛篇云吳越在時 的存則喜必分舟師自臨平趨 之是仲任已 師至湖州欲渡江云云史特櫽括其詞非 柳浦渡趣西陵並與今水地 此其所分之 不知有分江水道矣漢順帝 西為吳以東為會稽後世言浙 縣亦據今錢唐江 浙江矣唐末安 相合若分江故 水建

紙就正 得吳越春秋越絶等書斷以 之見曾疑分江水為南江所分非其正流說且 有防海大隄三 皇至錢塘是海塘亦自昔有之矣川流遷 何其思清而筆健 人教綠在德清未能即復近始 前故蹟不復 子復書 語ニッヨ言なっ 國時所築元和郡縣志謂史 可見而禹貢三 也潞 以班志所說為定宗彦橋 江則證之內: 論固絶妙但施 囘省少暇 記 展讀

史所云不 心農西北為農 於事容未必然徐君 西北往時元人極講水利齊 可盡信矣態云耕當問奴孔子 與沙礫其性 者不少矣夫豈不樂飽暖而甘 明初不聞收其利 人矣頃 計所在豈不知踵 公擾 荷可 南近 郭諸君盡其測量 而罷轉運也果其 而行之 而 p 知地 云吾不.

則 勉然卒無能神益于民徒多事耳上 溺之患 流在旱時旣不能豬 往往 思 **鱼者未知其妙而已獨知之其言娓娓可聽不行** 陳 為任事者之咎議論若此多矣原書奉還面 西北水 一雜沙性水易滲加 此相 閉戸自思以爲獨得丼 上監上火源與後十 廳 因 所 司其事然 而致者即以 則水盛 難與者東南乃塗 以塵埃蓬勃溝洫 時 ***** 城外厢 田計 耕田鑿井之事 雨水即滿 無 水道 泥 言之百官 工工 水勢易潴 不能長 因 亦

矣 灌屋宇之內迄未有能設法以便人者即田野可 善然中有可商者數條輒陳大雅裁之後至就席狹 弟子職乃古小學之僅存者足下作注以表章之甚 **| 信主進食言之坐執而立盍與辭時置箕於地** 業起而讓之今屬之後至者則後至者且未得坐 則起席蓋請業之席後至者席不能容前坐者 **貳酒也杜子春注酒正引以證貳字之義耳本** 言起乎周還而貳唯嗛之視上言執挾七則貳飯 與孫與人孝廉書

者處下是也居句如矩統言兩燭錯總之形蒸間容 總之法橫于坐所是也其然者直而向下故下云然 之法兩燭相錯一橫一直其未然者橫執之上云錯 如考工記磬氏倨句一矩有半訓居爲處非也執燭 當訓合凡拼之 者則更之 兩燭相錯之處其相錯之處或不能固故有 1月拼之道必合于此耳居句如矩居句讀||則下云遂出弃之不相貫矣是協是稽協 則燼脫落城中右 监上八篑真关二 以爲緒者爾雅緒繼也然者

如 高見以 ,面, 固不必以 中不旁莎 /畧惟] 卷 《惟以大舍采為王心語也洪君夏小正各惟初太始道立王 也入學舍來 然 (含采 論
持 此 立于一 為 今勝也に不 正注 論 釋 則 地

書所云商八 則以十 耆學當 以進足 庚 徵 僕爲有 五 言得 樂雜託之孔子日 姓五音相配姓者生也生命所屬即太史 下所欲求精者時俗宅兆之學也古葬師家 角趙宫之談旣不 丙辛七丁壬六戊癸五以六十甲子紀六十 而求益不已 辰 屬乾坤六子各自其納甲數之又 水日羽七言得金日商九言得木 羽七角六宫 如 愚 此僕雖甚無知且勉竭其 而虚已 知 五微 姓之爲生又不悟氏 言得土日宫三言得 以取之者以足下 九太元所云甲已九 解 角

では、こうしまして

黄赤一 百六十五次天之四序生寒暑温凉人之 就中 骨血 地體 有好言之者或自 三百六十 郢 己祕旨聽其言若 道 肉地之四 書燕說不足言矣宗 以 而論未必得 圓 典 五度人有三百六十 爲之絡前 **発集** 相應亦當 **脉地之氣竅** 方豈獨無所 謝受厲 人調發 地之 可曉 全 源崑崙分三支入 形人與 終無所得于心 之眞傳或詫 此學從未研究 絡地 天之運紀于 兩極以爲之 天 亦當 地同體 柢 通

水 明洪 凡此 肵 Z 運 來 已史家律術天文五行各為一志示不相雜也其 脉絡與葬皆無關也惟好學者 巒 算而時憲詳 驗尚不之及何有于選擇今臺官七政書 兆而 大端 縮 頭 經緯區度紀之以算測之以儀器求合于 初吳伯宗 亦必隨時不 兩 温コン系ラウー 及選擇欲從事于推步夫術所推者 說耳夫元運乃 不能無疑况其細乎今術家所斷斷 肵 于選日 譚 回 同因方有異而術家未嘗 囘書乃以七政 一用舊 天地之氣 法 平心察之耳足 兩者固自有 X化巒頭則·

定時 國 有自然之理皆以無心成其自然聖 一豈其智不若後之,葬 神 頫 地也後人徒見已 日 五行家日不可建除家日不吉叢辰家日 而不敢少泰私智于其間 吉 亂矣古者聖 小凶天交家日 術者昔漢武帝問某日可取婦 甫袁惠子張 区 1然之迹似若有法 小 制 師日者哉天有自然之 兩湖皆有書發明之世亦頗 禮宅兆時 吉堪與家 此則聖 日大吉其說 人之所以 虚其心以 一決之以 乎陰陽 運 聽

漢志所載今悉不存梁隋所有百不得一 以之立說亦不揣其本矣古書惟技術家傳者益寡 **堊足下之教之也** 傳耳或以爲神靈所祕則亦惑矣今足下夙習其學 有十一不得一焉葢紫之而無實習之而不效遂英之 曹未舉其月無由循問置答率臆言之不覺泛濫更 倒 問及于不知之人倘亦有不安于俗說者耶來 散之禁是以氣爲從前後左右來也及營兆以 堅築 法受氣 強ニン系ラグー 四周獨處其下以受氣是又以氣為 有腰耳之不同各分左右又有氣衝 一焉唐宋斯

之以偃伯靈臺證古有祭旗禮宗彦謂李說非 他客來不及竟其語薄暮客散輒條 管見質諸高明案詩皇矣篇云是類是 更不足 碼吉日篇云旣伯旣禱傳伯馬祖 兄譚及奪著吕子校補中言古不聞學族 梁諫菴先生書 也葬乘生氣此氣已莫定其從何而至其 一辨矣 師祭也旣伯旣禱馬祭也 甸獵祭表貉則爲位後鄭云貉師祭 一周禮肆 也 經注舊說 附

琪 立 雅 四時之田 職 讀 馬祭釋之大 馬禱無疾爲田獵禱多獲禽 氣勢之增倍也其神葢曳尤 叉云礀 亦或為 貉 品語ヒベ帝ラミー 表貉之 祭也先 百之百 恐有慢 牲 騗 司馬職 制天子將 **凋馬皆掌其祝號杜子春** 引 祝號杜子春讀貉 鄭 詩是類是 於所立表之處為師祭造 (其神) 云貉讀 有司表貉誓民後鄭云表 出征 為 騗 引詩既伯既禱以 或日黄帝旬 祀之 鳭 **满於所征** 爾雅 鳭 謂 爲 師祭 師祭釋之 百 之 爾 地 也 凋禱 所思之 職掌 說 甸

義文酒河用以 祭 牲 馬祭也 同 兩 之 亦 說字傳釋 亦 與 貉 祭 應 本中 禱 或 伯 伯 其

之幸甚 失在 李君之言蓋誤以後世鴻牙禮爲古禮耳乞引而 就所見言之非古義矣若以伯爲祭旗實未之前 偃 立表于其地 師節 周 馬融傳云伯謂 伯靈臺 野之制其後師行進退惟視帥臣之節故章懷 禮表貉在田獵之所 也蓋後世表貉禮廢漢高祀且尤于沛廷 神當以祭 一乃偃所立之表于靈臺示民休息也章懷 語上义科息的一 因而祭之卽以表主其神司馬法所 師節也唐褚寔偃 酒說爲是 王制言鴻于所征之 伯 祭始造軍 靈臺賦亦云 地 敎 則

則遷 讀尊著禘祫辨謂周以文武爲 鄙意竊所未安小記言王 祖配之 矣故遷廟日 暇 之地矣且其尤古庶人之 則當以出征之日祭之 釋禮也 金リカ 答 安有從而祭之之理漢承礦秦之俗不足 徐 削 而立四廟四廟者高 新 下文所云別子 田先生書 減即下交 所 者 如 祭先行然不當在 加 **貪暴者聖王** 禘其祖 云五世而遷之宗 后 稷 下由高祖 之 爲宗葢 爲祖之 所 一誅絶 自 所 世 所

加 肵 旭 桓 在 旭 自 庶 卽 為義三代 則 四 如成湯之身有天下者其將無所 得 廟中 別 出 出 有聯并 封 世 子 能上に緊急を上 自 左 祖所 為諸 别 傳 安 爲祖之義 始 得 東 此 :越太王 **祖皆諸侯而所自出** 自 出 郭 不得有 侯諸侯 爲 旭康 出 偃 夫 之 謂 之帝耳所自 八 確定 詁 崔 祖歟且以 王 成 不 得祖天 一季而 雖 杼日男女 於 一配后稷 子則自 侯 始 周初其時文 出 有 世 則皆帝 祖數夫 天下之 海兴 爲 矡 世 꺠 君 灖

而一郊。 所 自 禘. 則 黄 **禘** 之 賜 帝 爲 時 姓 祖 练[。] 帝 故有虞氏 腣 黄

.承 臣皆享遠方荒服皆來典盛禮隆至精至大故夫 前之舊 終即以 知 其曆眷命也與開創之君無異故 是禮者于治天下無難也自鄭氏過信藏緯 易世三年喪畢乃 生爲天帝而又誤分大 受命則行禘旣以新主合祭告前王治天 說問有存者五經異義載左氏說云歲給 嗣 馭元元之本其時羣廟之主皆升有功之 語していてきらい 郊宗 君見廟告今王有天下之始 石室許叔 舉行濫繼體之君雖 重申之云終者 施吉禘 為二 代受命則 所以! 然漢以 示統 制

所謂大滿終王也及郊宗者卽書類于上 者譽也子者契也言有妙方為帝之內助帝立其子 宗爲易世卽位之大典也石室者毁主所藏至是皆 章云帝命不進又云帝命式于九圍言湯有天下本 章日相土烈烈言元王以下皆有功德宜升食也三 為諸侯為商家受命之原故禘譽而以契配也其次 **偏祭也更以長發之詩攷之首章云帝立子生商帝** 于契實本于嚳之命也四五六章言荒服皆以終禘 二年喪終則禘于大廟以致新 而陳武功以震動之也末章日實惟 死者也案此即劉 一帝禋于六

敢質所見更引而教之 臣從享也若 公羊穀梁皆言吉者不吉者也由三年之喪未畢 配 配 列后 文 所 紀會禘左氏說云天子之子以 五帝故亦 寄答陳恭 而禘故書吉以示譏非大禘之外又有古禘 自 王正與周 稷所自出不當為靈威仰矣至吉禘之文 造出リ系ララー 出會以周公之故立文王廟此則會以 周颈維詩 甫 同 以后稷配嚳 꺠 年 **潘園邱以譽** 武則明堂宗祖之 例周公所自 配天亦稱為禘 德 爲諸 出 侯 周 耳

立 千載 如此書及鄭志乃至湮滅不傳待後怪祭酒司農皆名重當時而司農箋 耶來教諄諄 見信當時取 温温 章宗彦以爲經誼之大者 酒司農皆名重當時而司農箋注立學也其有功前儒嘉惠來學豈俟宗彥贅 垂. 二. 到手教惠讀大箸五 了今日豈 懷 敢不悉陳之左右 必後世 勵其為鈍自非相愛之至安肯 複能 如僅僅校勘文字同異 了之就介自謂能 或綴拾零殘 來教謂學莫大 證 人綴 八聚 何,

其所為筆力尚遠不逮有明作者宗彦及竊以爲非 欲伸已之所見使人同已愈不可也方今篤志篇籍 夫八之為學求已心之所安而已不求諸心<u>而逐</u> 此 所 其性之所近不必 得葢 所尚非善學者也天下殊途而同歸一 天地自然之運或乃好高務異輕近而慕遠及觀 代之體裁漢魏不能爲周素唐宋不能爲漢魏 故紙者海內不過數十人其人好尚不同各就 學又屢變一十以前專務詞章二十以後始 小私心誠不欲為之至文章關乎時代 轍也宗彦竊自惟生平思過 致而百慮

遠者千餘年近才數百年而已獎文獻不足無以徵 百當不遠追三代爲無徵之言而施諸當世無一可 則使孔子生於今世其所學者不過由明溯宋而 其言至軒農唐與之禮孔子固未嘗言且未嘗學也 說况又二千載下乎昔孔子學三代之禮其去夏殷 用也若夫道之精者章于天地明于日月得乎人心 學為之有年乃悟三代去今久遠書籍散亡典章 度誠有不可考實者自西漢之儒已不免望玄爲 肵 同然愚夫愚婦皆可與知而聖人有所不能盡 辭讓羞惡是非之心以復仁義禮智之性 金エフスタオー

下揜護之勿語他人以增其狂謬之咎幸甚幸甚百久階好麗雜恐終無所成就君子於其所不能行了竊有志于此或少有所會便不虛度此生然習非已後儒稍稍得其緒餘以淑身淑世者不可勝數宗 終宗彦反覆思之 子云玉振之也者終條理也乃終其條理非條 詢以樂事宗彥風未經心蒙然不知所對先生 前報謁並呈拙籍一卷未得面領教益爲恨非 穀塍先生書 新日代祭長が上 大成之樂恒繼之 15 理調先

及徧舞季札觀周樂歌雅頌後卽及舞天子祭禮已隨磐而止故日終條理也左傳王子頹享五大夫樂 西方日鏞鳥獸蹌蹌鳳 乃舞之始擊磨以振動之 、譽聲下卽言庸鼓有斁萬 風來儀則舞矣 要言擊! 而樂中之泉聲悉

無取以爲德化所致則鳳凰或覽輝而下百獸奚 幸甚 未然也磬聲最清而尊故樂之始雖聲以金而必以 舞有奕是亦樂與舞相接而馨在其間馨必在縣 至哉樂經散亡前漢大儒已不免隨交演說欲求其 球先之舞之始雖戒以鼓而先擊磬以示振在 舞中所有以象德及庶類以爲刻諸鎮簽者於義 始者在樂為終其終詘然此之謂也鳳凰百獸皆 無縣不得有磬分玉磬在堂上石磬在堂下者始 固難也先生旣引其端乞不棄愚陋而終教之 基下

嚴氏奇童比 引以為友 始見 11上流とに済長だし! 文正公江以南 悔葊文鈔序 齋集卷十 風 跋 余甚怖之是時 能生 書後 長治 能談論 余與九能 四體書擅是藝者莫能 經史務實學其為諸生見知 竟 日 歲誦詩作 鄉先生有學者聞其名成 為 內 夜 九能 外昆 徑尺字 弟余侍先 辨 犀 救 利 號 能

所識老成 子業不欲為則絕意進取世 所念舍 不樂爲人知視富貴泊如也故居歸安石冢村意 辛未六月夏其文八卷貽書余日子庶 叉日凡文之 、牛凋謝無出游之 為旣好之又業之 九能文不多見今 而徙德清獨與其妾属頗繚唳不自 性懵誾于文尤 作將以明道濟世吾丁二 逐無以知)樂則盆鍵戸肆力于文 不忍热之散之子慎 乃得先他 實無以測九能之 幾能 怡 九能

庸也夫為交者孰不曰我以明道乎哉其果有明耶 論則不如其已也且夫道非言所可明而言有時足 知道之所在而明之矣若濟世之交叉有難焉伏居 事可成與否槃弗曉而徒搜索故籍為迂遠難行之 否耶士不得聖人為之師而又蔽于數千載是非交 以明道世非言所可濟而言有時足以濟世作者或 **儿行政難易輕重緩急人情所畏所安財用之盈** 不自知而後世讀者乃獨得之意表還以歸功于其 上の遊上水海集状十二 室未嘗聽賭當世事以審俗知弊酌古今之得失 同異雜糅之說非有十倍往古之才智者固無 The state of the s

緯也書契之與取凡民所恆言者而形之文有此字 字之例源於上古經也爾雅者辨言之書雖於有 為著作之功臣矣夫爾雅與六書相經緯六書者造 之用乃制此字之文文成而義見本無待於詁訓 外弟嚴子九能熟於爾雅作為匡名八卷旁羅異文 濟世之文也耶 人之言者往往有之則九能之文又鳥知不爲明道 二代以還文勝其質方音流變學士增潤字之義 訓鉤稽而疏證之微獨邢祭酒有不逮抑亦可 爾雅匡名序 周

象形形聲之字最多故家祭酒云依類象形謂之文 之叉居其次而猶有不能虛造者則假借以濟其窮 指事象形居其最先形聲會意轉注必合兩文以成 菜聲者即形聲所謂凡某之屬皆从某者即轉注 明言之獨形聲轉注無專指之字非畧之也蓋所謂 形聲相益謂之字也祭酒於指事象形會意假借皆 **言歸之近正使考古無所惑臨交有所守故日爾雅** 土改易字體必依此六者為法仰觀俯察近取遠 盡如其文則非詁訓弗能明矣爾雅之作薈粹基 于古足以辨言矣若夫六書爲制字之 語出ソオラツニー)綱領帝

戴吉 始然各有所从之部非以始為建首又初散諸字各 宗彥竊不以為然爾雅如初哉首基十餘名雖皆訓 有本義各自其所从之部首而生亦不受意于始其 不可為轉注明矣段大令懋堂今之精六書者也序 同者由六書之有假借也經典字多假借而 宗彦則謂假借者本無其字今如初哉首基之 書申戴氏之說而又言說交與爾雅詁訓有不 解字無假借若然則說文止五書無六書矣 非本無始字而假初哉諸字以當之也段又云 士以考老二字互相訓因推爾雅詁訓 受上スの多名十 爾

文韋字解云借以爲皮韋字安得謂說文無假借 為 字爲假借而義爲轉注是假借非轉注不明合一者 特不若段所說耳六書假借主于形體唐人有請改 颈修辭致飾必異恒言沿及後來新奇日出銑溪虬 所假音並加新字可知假借與詁訓無涉矣典謨雅 同阿附 八書表云假借者謂本無其字假用音者也遂請凡 又豈可以六書之假借蔽之哉依大令言爾雅之 而于二者之本旨胥失之矣宗彦愚曹不敢雷 五行大義序 一造上八番臭女十一 輒疏所見以告九能其有以教我也

刚 事成於五位之合敘于九疇之首上世聖人明微 度循其理則品物义逆其節而政教乖德運終始 書家均未著錄近日本國人刻佚存叢書此書在焉 唐志蕭吉五行記五卷宋志蕭吉五行大義五卷藏 用活字印行多誤舛宗彥核其可知者改定數十字 然之大法百姓日用而不知動失厥序然黃神遺 通其情類達於變化體而行之播令四時象法 仍其舊俟知者而別梓之敘日五行理數綜貫萬 推後人智識短淺昧於陰陽相感應休咎類召 宏指學者 食」ファインオーー 循 知質重西漢董 劉 畢力研究本 12 恆

說相 能引其枝條億則屢中宅锥而後浸無聞焉古籍凐 卷今其存者無一 以傅成 共魔涉津涯未足究神秘探奧蹟融暢於大道以 數合諸辰日音律性情年命曲而不枝約而 義質徵事咸有條理秘交堡簡多世希觀 兜物徇 驗諸事違失不一當乃務多其群論詭其指歸飾 傳授廢 師述參以譎怪彌亂本眞狡諸古破碎而不 盖上八香姜之一二 利乖道大雅屏而勿道宜也觀吉之書 絕漢藝文志五行三十一家六百五 匡排時政為世 焉小數之士飲流忘源用琑委 大儒降 及駐李之徒 推五 可

子六經之旨則離氏所望於來哲者將在於是嘉慶書為可喜儻遂扶摘沈隱補綴闕遺廓而充之務合 九年三月許宗彦敘 方而忽之間術家所誦 伊之 初時岩黃太沖胡渭生萬充宗之於經萬季壄 夙 於史袁惠子徐敬可之於算張繡虎朱錫 稱人文淵藪當 經精舍文集序 誦習則 哉同年孫觀察淵如尤好斯學必以是)於詩古交並 倜然遠矣豈可以傳世無緒來 錄

砥 命鎮撫是 繼之者全謝山吳中林杭並浦諸先生咸方聞博物 著述垂範· 明雅訓兼治詩古文辭公服親為點定并請王蘭 經術厲士士風曠然 且復洩而 於湖堧立站經精舍配許沒長鄭司農兩 | 以名世之德為八 郡端謹之士尤好古力學者萃處其中相與 如兩先生為之主 一造し、火災が長光いっ 邦綱舉目張百為具理鯨鯢就戮仁海 風尚少靡不能無待而與吾師阮雲莹 靈椒之氣有所甚洩必有所蓄蓄 倫藻鑑先是 |講閱二年得文集若 變旣奉 視學兩術以行 師 如

紀有天下之號秦漢所爲襲其名而未察其實也斯 儒所未發何論孔陸宗彥嘗讀吾師研經室集以今 **天自漢以來二千餘年治經之家說經之書莫可** 神遊皇古理褒前聖鄭賈復生無以易斯誼 典禮其時未有史策之亥朝覲之節故七十二代 備宫室之制是以黃帝曰合宫封禪泰山亦上 興咸合諸侯於泰 推周幽王六年十月朔正入食限知毛傳為是鄭 屬之厲王爲非又以明堂太廟辟雍同地爲上 聞 見日積聰明日新近世通八所考正往往鬯 11金上ス交与名 山下以定天位因刻石其上 漢

求是足以發明墜義輔翼經史其餘詩古文或咀六 斯集者循探珠於滄瀛採玉於崑閩也諸君其益進 代之腴或挹三唐之秀風標峻上神韻超然蓋吾師 解茲集所載於古今學術洞悉本原折衷無偏實事 其在斯平 因其質之所近以裁之而諸君亦各能以長自見覽 君幸承指授師法宏遠故能識精而思銳不惑於常 國初前輩之風復見今日山川靈 而不已斬至古之立言者以稱吾師教育盛心庶幾 本草經疏輯要序 組上人孫長於十 一淑所洩其在斯乎

眞當得人參反得支蘆菔當得麥門冬反蒸礦麥則 近年以來亦畧有所解會竊謂醫道至精非明于 陽四時五行消息衰旺之故不足以察民病之原本 **余自少至長多底滯之疾恒治藥餌遂稍畱意于** 治所先後能察病且審證矣而制方不中度藥味失 不洞表裹藏府贏不足之數不能識證之緩急知施 若不可知必醫者之神明至虛至静乃能心手黙 以增劇葢醫之不可無學明矣雖然運氣微妙 執成法以求之藏府見於色脈若微若顯若 隔心通洞垣一方了然不惑意之所解口莫能 走」フラタター

本草二 盛行于世者獨李氏綱目而醫者頗病其繁明天敵 精講說甚備多識而不疑施用而不忒則存乎學而 夫金石草木百品干類燥濕寒温異用古人辨之至 間吳人繆仲醇當著本草經疏三十卷近世名醫葉 虚 已矣禮云醫不三世不服其藥黃帝鍼灸」也神農 |傳惟本草存又多為後人所亂山川之產要亦不 多取其說蓋辨證以審藥之宜忌簡而易守醫問 同于古殷仲春醫藏於普醍函列本草數十種今 此則古之名醫莫不有神悟焉始非學力可至若 一也素女脉訣三也脉訣旣不傳鍼灸傳而 強上の各美スート

之序 急葢與氽素所持論有相合者因次氽說于篇以爲 高談靈素抑揚丹溪河間之說而獨孜孜以本草爲 秘要一 書尤要者訂為八卷名日輯要而以紫垣朱氏痘疹 程丈易田汪君應鏞皆嘗奉手今歲復交孫君養正 序于余繆氏書余未嘗治焉其淺緩無由知吳君不 金上フが多名 **余禹居於杭縣獻士之遊杭者魁儒俊哲往往識之** 津筏也海虞吳君懷祖以醫有聲武林乃錄繆氏 易經外傳序 卷及經驗諸方一 卷附焉介華秋 槎明府問

心之至精能與之合非言所及也聖人不獲已 易道之至精者在于人生起居食息不可離之 位之象也太一 理解の一般に対し、 精者可得而見矣盈天地亘古今皆象數所為 象之變返諸所自形極數之賾返諸所自生然 以象紀之以數以示人則與其至精者已少間 智百年之力夫焉極之不極則不能返不返 八索成人遠近之象也神輸射匿望 一九宫遯甲八門形家八宅託焉六龍

而未有能極之者也然亦自有淺深焉淺者望文傅也熟則亦易所治也為此學者有見丁象數之端倪也無當於易也而兩獨家驛克配以象運氣主客推奇偶之數也乘方割圓六觚五竿出焉龜卜也醫藥 一次者畢世勤苦委曲鉤貫務成其義其作之也旣難會數行不可知之說或作矣而不傳或傳矣而不久 也推步鐘律軌革消息出焉參天兩地一 傳之也愈貴然或繳繞其例使人憑懲而不達棘 大行之用四十有九乾坤之策三百六十著楪 生」フライス 陽二

講手畫各麼所請以退童騃不知官職妄意公蓋 大夫官內閣侍讀邸舍隔一港宗產數樞衣晉謁見 學大師如古申公轅固生者其後二十餘年公歸休 公長身偉貌神采奕如弊書滿几上從遊者環侍口 宗彦獲見少司宠公也在髫龀時公爲大理正卿家 易之支派故統名之日外傳云爾 也凡孫君所論次自乾鑿度以至洞璣儒者所傳自 所用要其求之于氣數則是也不返之于至精則非 三式以至星小術士所業各明其立法之旨以爲皆 王少司宠八十壽序 温出火海長火二

旋勲伐 熙續惠流一方八貳秋官矜愼庶獄主壬子順天鄉 彦不文命之使序惟公文章經濟表著中外早直禁 近預開密勿出叅滇蜀軍事師中祕計多所贊畫 揆初度海內士咸作為歌詩致期願之禱公不以宗 世文八所造就娓娓數于百言暴盡乃已視始見時 神明無以異也歲紀癸亥公壽曉八秩日旣南至覽 青浦從兩浙大東請主講敷文書院宗彥復得隨左 右每見必剖示經史疑義縱論古<

今人才高下及當 金

ルス

及

ラ

オ

一 一聞特膺羽儀之龍屛翰滇南江

覲備承 甫逾七 朝 明實事求是詩古文辭醇謹深厚胎息唐宋大家 廷以公老成 有過 一親政之初公自家人 而公自署 紀龍柴介意如一 禮有加世之論者皆以公方歐陽永叔司 一即解簪纓祖帳都門觀者無不監慕 人之性量百倍庸衆之 語が、ファージャー・ 一壽公少治章句于馬鄭孔賈之說疏通 印日出處依稀似樂天葢進退超 一轍矣竊觀自古膺斯文之寄 精力用能奇麗 足之

響校日晡目少眵輒命子弟誦于側隻字有誤討論 甚適者士旣以公爲泰山喬嶽争向往之而公勤勤 汲引摠覽靡遺如春風之被物時而之潤澤人人自 範編金石文秤若干卷網羅宏富每寫一篇必手自 再三少壯者或怠欲罷而公夷然不以爲勞若有所 **万齒盆禽學盗篴所著述庵文鈔詩鈔藝林奉爲軌** 為得當弟子著錄以干計奉手有所授者不 松崖齊次風沈歸愚杭堇浦諸宿老嘆服爲忘 王賓從填戸內公隨問酬答了無倦容常取四 、其間得公策勵名師法以成家者甚衆每杖 1人死葬卷十一

當之宗彦受知久稍稍得窺公之涯涘追憶重時 **有害也方**合 聖天子崇辟雍化爲天下先而公以大儒名德倡率 監上と断見だし 更知三德五行象三辰五星者憲乞之典惟公足 界南後進旣崇實學翊費太平之盛禮家所稱老 有如公之恢廓者盎公好學愛士出于天性視 有過之而宗彦益于是卜公之耆艾昌大詹壽無 之風雅往如王新城徐東海李臨川號爲延攬未 公轅固之 卷為湖海文傳湖海詩傳琴畫 高祝公壽其或以爲可而進 詞鈔備 占

為之倬之父今年六十二母楊孺入年五十倬將 八月下旬暑退氣清時奉觴爲壽侑觴之文惟吾子 之為之也宗彦因念俗所謂壽言往往滅飾虛美陳 必于生日往籍未聞昔所稱上壽者多以歲時住日 爾渚屠君有令子日孝廉倬來誶于余日爲父母壽 ·然君方力行不已有自知而自信者出于他人: 族爵里之榮君大雅宏曠宜所厭聽至謂君敦孝 族譜其事尤著高門有徵積善餘慶此則可以頌 |
朋友喜施舍||
而孺人之賢左右之近歲建宗祠 **屠**蘭渚先生壽序

者寡矣必有見其一偏者焉因其性之所近成其識 洗腆致用酒謂父母善子之行子乃洗潔致用酒養 父母教子之心誠有所厚望焉爾書日厥父母處自 之成名之遠卓然聞見于當世非欲其尊已顯已也 强無恙發暢神明充實形體而父母于子尤願其學 也今孝廉工為詩面多交世之賢士則請以區區之 矣宗彦以爲古之精此者其人必有見于道見其全 詩悠乎如雲之翔厰乎如俊鳥之將下才氣可謂美 懷所欲進孝廉者陳諸君與孺人之前可乎孝廉之 口又抑然不樂承矣夫人子于親無不願其壽考康 造コンデージャー

都其賢士皆知有孝廉孝廉可謂能擇交矣宗彦以 為善交者當錄人之美佐已所不速孝廉之友各有 道其能方駕古人矣乎自杭以至維揚自維揚以至 **所長孝亷能一** 所以洗腆致養者莫過平是卽君與孺人所樂聞者 **若子也夫如是則學為成名為遠卓然足以聞見干 亦必在是則余之文雖甚朴且鄙倘亦聽之而進** 一獨至故能自遠于流俗以孝廉之才氣而進求之 **鵤也已** 一無疑也而君與孺人之心不爲之大暢乎孝廉 低リフスタイプ 一取之以輔成志業此子賤所以

宗彦少時未知有歴算之 **齊亞來入欽天監畱粤者數月往問西法苦于言語** 不通出其所著書了不可辨專中友人無知此事足 法七政皆統于天而知東漢以前用赤道不用黃 為得諸行之本至若最高每歲有行分大距 心非渾圓之理考周髀北極功幾以推古人 義輒有所作援緯書四游以疏本天高昇而知 相質問者遂忽忽廢去去歲在杭偶與八論左 經書天文攷序 、得梅氏叢書讀之 語上ア語多名二 學乾隆癸丑春闡被放 不能盡曉有西士自富 測

徐君養原耽精算術欲悉取大衍天元借根對數 明于象數而吳門李君銳爲詹事弟子方合太初 而又明白易曉足輔疏家之晷錢塘姜君遂登好江寧陳君經書天文算學書相示者其言皆有據 隔雅君子若詹事錢辛桶先生及雲臺先生皆 一先生題其卷端而復屬宗彥為之敍宗彥所知當 編疑測大趾當在最高鼻時而展轉思之尚 而愛之欲梓行以便觀者既請于督學阮 此學之難非淺識所能 刭 ージジャンオート 青以補梅氏書之佚宗彦同 究也適于其時 1/2

法次于古九章以會數度之全顧兩君書皆不易成 佛齊瓜哇丁幾宜之属皆附近內海散處東南洋 海外之國載于前史者雖朝貢間通中夏而方域多 撫諭諸番隨而入貢者三十餘國眞雕暹羅啞魯三 自序詳之不復及也 爲初學之導也故不辭于言若夫書之旨趣則陳 便者往返不過二二十畫夜自七洲崑崙而往去 而陳君書獨先出宗彦汲知此學之難而幸其有以 可效明永樂宣德間中官鄭和七使夷洋齊璽 海國聞見錄跋 近回こと野きとこう

意大理亞明 頗 則 中 近 至 國 我遗 東近距 重 是從古 紀 疗師入監 誕海: 陲後大 鄭 國

先 倫:其 一炯所撰其論亦多述更 八餘亦斷非誣也此海 即 一般 一 人亦多不合葢外夷之 堅 人遊 早晚以定 一洲竟未之及是其疏畧所紀西洋國名詢之亦斷非誣也此海國聞見錄雍正間提督陳君亦斷非誣也此海國聞見錄雍正間提督陳君亦斷非誣也此海國聞見錄雍正間提督陳君 外夷各國語言亦 之則 道 里之 果 ൬ 中 登 國 叉 人語率有音無字譯人 自 別 製 不 為地毬分宫限度 加 西士 同 名故其地則一 或此 所 國自有正 人名詢

國 倫 船 英咭利荷蘭品 南然所知名剿捕者汪直徐海諸人皆內地名蓋此書所紀諸國已非其始矣有明中葉 與倭 自各島來者稱港角船而更不聞有東南洋舊近歲貿易中國皆西洋人其自本國來者稱祖 國止漁者十八 帳不可合也自歐選巴通中國以來恃 (無與迄) 洋小邦多為吞噬如無來由 所分據 直 戮 尡 而海患亦寧觀 而 即為 丁機宜 國王所誅 為荷蘭易 息力大

招 律 月宏機外藉光者 等 而實夷為頭不生佛 止稱則良聲名過獲耶 一一可勢姓是影而亦 佛班班也邊非市頭纍 即牙牙至疆番舶等海亦 機本今 破大人未九 國洋呂臣所必十嚴真 奪爲舶宋亦有敢六兵吕大中而樂大與人進 皆居狥抵 中無 朱稱之其內國論戮百 者說洋為外 **港** 吕 境西宋明諱盗害番渠 洋舊時內賊卽 志 之地傳盜假高在 而借文貿

如此書亦不徒為說鈴談功而已選稽遠考資長見聞知柔遠之有方識面夏之邊百餘年謹奉約東未嘗敢有纖毫之數學者 情數萬里之遙 奏百餘年謹奉 教誕 經總要跋 郎機 傳者葢寡此爲北宋 敷威靈旁薄西洋大國 コンラググ 近滿 祝釐納 頁而雙鷹連綏諸國 將 刺加荷 者宜讀馬第二卷教弓法 小指壓 人所輯青八行 即 國如暎咭州 云軍之

陳一面捍禦不及 管拐子馬並選生 旣 法力多利於步用片

偉而學問奇奧過于揚子詩意推之當在崇頑十五 卷兵潰後頌繫江寧所 英能讀吟咏 耶 連 集十二卷宗彦未得 育黃忠端公山居雜 孫侍御 類有騷人之遺意隻句片楮所宜實情况 非所擅 深柳勘書圖後 **双**算允十 御 頤谷先 作此山居雜咏十五年罷歸時也先生 **咏詩** 作 見僅 亦 見 後 字不苟旨遠 耕 枝 外 別 生 九種 八首 節 詞 - 炳

辭 翼鳩 以 麻 間 錦 望 文 傅 讀 其 不 嵐 唐 言契理于象外者可與析理記載之文多微術數之辨朱碧未分雌黃妄下俱矣得指于言先者可與聽 言契理于象外者可與析理記載之交多微術 以盡 梓本至今祸又甚焉占于是 譌 次六經之義交通諸子之事互涉非胸四部 之 書亡失于秦梭輯于漢嶽易古楷易隸傳鈔至 勢然後可以脈山川定七衡之度然後可以 隱非心千古弗能照膚表僅見影響以談末 惼 名不 **鋟始五代盛于宋元市夫臋苦小儒** Ė 一辭不順璞焉風也鼎焉雁也 無全書夫名以 郢書而燕說樂 THE RESERVE TO SHARE 剖 成辭 弗

之膝 別本 乃益舊題闕里纂言遂成偽造不準之冢俄開 夫古籍之不可復駁壞羼亂非 脫者削之脫之中又脫焉單文孤行旣無可是 根妄改軒渠通人准別喜新乖離大雅永平記 論 氏也古善學君子也心向往之 獨 學如此其爲學亦如此圖以見志且示後之 校而不精其失半簡錯者移之錯之中又錯 **互異叉莫知造從近為核響學者盧抱經學** 枕溜繩合矣非易牙孰知之哉子雲氏也 一皆好古矻矻篤老不倦將 順終身效之蓋 日讀而不校 田 侍 Œ.

な。コングインスたる

家語疏證孔叢子疏證匡謬辨妄咸有根的 壤 衷前賢其它撰述類是又不徒講字畫異同務朱 點 其能已于言乎 不亡賴其大義如三光五嶽不為塵曀所翳没耳 亂之後欲文字悉還其舊觀固難 姓名附見于書今先生往矣敬贈遺貌追維緒 乙而已其真善學之君子歟宗彦夙嘗奉教先 **淬厲粗中而耳食顧以一** 祛抱殘之惑入海竿沙用心甚盛天古書 詞律後 温しく客語が二 二事之得爲先生 也而 叮

句 卽 字句長短 短亦稻曲中襯字或用或不用與本調無關至 得 商 非音節頓挫之處原不必定 或叶或不叶 下四之句或為上四下六之 之調有齊天樂雙聲子諸體 譜者一詞或列十數體思之 調按歌者不聞一 體之中分叉 生」フラックスー 用韻多少及平韻仄韻之異耳字句有長 亦同此理其調本平韻而或用仄 如曲中之聲可以 體哉且其所以孙之者 調之中分叉一 類 殊為未安詞之 在歌時曼聲引逗 即歌有黃鐘宫 調塡 句換韵之 如如 林

世 別立 誝 問 句 仄作 詞之 有參差及其合歌要歸 別體則逐字平仄之殊亦當細剖 相 矣鄙意以為 和音者 舛 平要具體製 歌法雖不可考而曲卽詞之支流曲中字句 互 注明使填詞者知其通變足矣若因 難備 則必名同 強日ラ系ラダート 不必比而合之也 詞惟有 無所增减 而實不同其宫 致則詞] 體以其 譜者但當於題 調亦當有異當 ス歌 可 附記所見以 推已若字 詞 、惟有一 可 分數 句

家居及爲諸生者莫不好議論隱持執政之 赆 亦實有當死之責焉耳明之亡 文已至矣兵事之棘也握兵柄者將主欵則羣 其臣叉不盡亡于大臣而亦亡于小臣明之 季殉節之 臣無論賢奸皆莫能竟其用議南出口而彈擊之 則前引欲進則後 將持重則羣 士所以獨盛于往 而况乎蹇 挽而又左右掣曳之馬即良 以老師糜餉譟之譬駕馬然 **篱也室已將傾矣廣主** 不亡于君若 風 勝 短

殘中 淪凊談盛 門門門監上八寄典公丁 不亦左乎若乃結 之患莫大乎崇虛論而忘實事故清議與而漢 爲之 覆樂禍趨就夷滅 原者張李二賊也二 何以異此夫謀八之軍師敗則死之謀八之 則亡之 此其不足倚賴明矣金聲桓李成棟之 粒 而晋祚促講學會文之風熾而明社 (其死固正而惜乎無補于國家也夫) 暇 山寇 審顧俄而室轟然 TIT 引島賊抑 賊已誅其逃將潰卒偷 明之遺臣欲藉之以中 傾 則羣 徒 屋 息 國

黃檗語錄亦載大中為沙彌時問答數事與通鑑 宗英胄也此事舊 碧嚴集 以不潔灌而復甦遂潛遁在香嚴閑和尚會 臣見而 在位時因早朝罷大中乃戲登龍牀作揖羣臣勢大 日宣宗乃大中也年十三少而敏 日武宗恨大中昔日戲登父位遂打殺致後苑 續皇王寶運錄云武皇接宣宗於永巷幽之 書唐書宣宗紀後 謂之心風乃奏穆宗穆宗撫歎日我弟乃 引續咸通傳云唐憲宗有二子 金コフラジネーニ 之書 本武宗卽位常喚大中作 點常跏趺坐 日穆宗 下云 一穆宗 吾

宗嗣位宣宗居皇叔之行客游方外或止江南名光先見于此矣鎖詩事績咸通傳北夢瑣言亦云溪澗豈能畱得住終歸大海作波濤其後竟踐大溪澗豈能畱得住終歸大海作波濤其後竟踐大 僧 多識高道僧 **医工工監上水孫集影工** 詩得 合避暑漫抄云宣宗微時以武宗忌之遁 游方遇责檗 | 故舊唐書本紀論中史臣言帝久 聯而 人竊意會昌沙汰僧尼未必不因宣 及 中 下韵不接宣宗日當為續成之黃 檗禪師同行因觀瀑布黃檗日我 朝故事云葬請爲僧游行江 作波濤其後竟踐大位 Į

難備 治通鑑宋史全文版心題曰宋鑑莫知何人所撰 没其文修史者遂不加尋究小說流傳自係當時會 言宣宗迎立由于宦官定策蹤跡頗爲詭祕實錄 事溫公盡斥為鄙妄無稽過矣 **曹館目題日宋史全文坊本前題** 檢討集中嘗一 通鑑起太祖至欽宗十八卷禮部員外 書宋鑑後 、間疾苦葢櫽括其事也武宗疾篤旬日 引之近讀東里續集云續朱 新增講義續 源兼 編 旣

皆承其誤負山陸察深主 劉時舉著宋季三朝政要起理宗至少帝五卷無 明傅遜左 宗至寧宗十五卷戸 Frenches and The Fig. 本究出于宋 **有朱一代當取此本為定不煩更撰也** 所夏合而成坊刻併其卷為三十六然雖夏輯 九卷吾家冶為四册總題日宋鑑 氏名二王本末 廟祕考後 傳注解辨誤 人敘事詳簡有法徵實 ,部架閣國史院 卷則取諸陳仲微所錄總 云自鄭康成以超訓脁 魏 則此書蓋楊文 グ傳中 討兼編 編

毎廟二 氏之祧 而當矣按魏陸傅 義也蓋可疑又攷周禮大宗伯守祕奄八八女 遠 祖廟無有爲魏說者然此衞成公於獻公爲曾 以超訓祕字義迂遠無當从光外示為祕本義 地謂之黝牆謂之堊地與牆非廟之光域而 修除之蓋致其詳敬之意祕則令守祧黝堊之 祖皆謬愚疑不决思之累年考諸書皆以就 人奚四人則滅不在廟數明矣下云廟則 也何得爲祧又昭元年鄭子羽日其敢愛豐 而豐氏僅大夫兩世何遠祖之有則減 一生コフラシスト 三家之意以 就為光域是也 爲 何

朱公序取官私國語十五六本以校其宗入緣之 **可謂詳矣自宋以後戚宗其本近** 之子周之禘胎文武不先不笛故通謂之王尋韋 世謂棄與不留下云我先王不笛韋解日不 以爲勝于公序本蓋不然也周語昔我先世 釋世字于下釋王字則下稱先王而上 光域則於遠廟為融不 ∭ 本有王字按韋解日后君也稷官也父子 存之俟 鑑止水聚集卷十一 (本國語跋 有影鈔天聖 重 明道

文選籍田賦注皆與公序本合左右免胄而下超乘 文選籍田賦注皆與公序本合左右免胄而下超乘 王耕一墩下韋解天聖本無之考之詩載芟正義與 三十二十一 一 亦引作曲補音云本或作曲非蓋西周以前未韋氏誤矣瞽獻典天聖本作曲左傳襄十四年 以史記為證可也以天聖本為證則天聖固不 知 戴東原謂不留以上 則寡謀驕則無禮若 **P本合左右免胄而下超乘** 本無之考之詩載芟正義與 是周末語耳公序所校當矣 一關代 過門而 系此本典章

四字則正文云如縣磬解亦云 氏前乎凡如此類不可悉數學者惟新異之是尚 正義引此傳甚詳幷及革解又豈得謂天聖本在 不求其是又豈獨此本爲然哉 獄 而以爲入天聖本脫去 八義天聖 此句及韋解考詩 如縣落可乎鄭語 本 脱去但